



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

174 SCHRETEL UND WASSERBÄR.

- 173 Men dar nicht maken. dar den wal
 Dar men gyft ghe noch oueral
 Non opus est vallo. quos dextra dapsilis ambit
- 174 We wisheyt heft an sinenn mode
 De is rike noch van anderen gode
- 175 Sin eghene viant ist de man
 Die sinen vianden des leuendes gan 15^b
- 176 Wese wat vor lesen mach
 Dene heft nin selich lach
- 177 Wultu wesen. ein gut richtere slicht
 Gut, vrunt, anghiest en beweghe di nicht
- 178 Vnuordreliker en wet ik nicht
 Dan dar. de snode vulle macht kricht
- 173, 3. *lies* dextera 174, 1. *lies* sinem oder sinen 176, 2. *lies*
 nein

WILH. WACKERNAGEL.

SCHRETEL UND WASSERBÄR.

Ditz ist von einem schretel und von einem
 wazzerbärn.

Swer hovelicher mære ger,
 der neige herze und ôre her:
 dem gît dis âventiure
 ein lachen ze stiure.
 ich lache ouch swenne des wirt zît, 5
 ob sorge mir die muoze gît,
 der ich von rehte ie muoste phlegen.
 nu høert wie der von Norwegen,
 ein künic edel und hôch geborn,
 eim andern künige ûz erkorn, 10
 an adele sînem genôzen,
 an rîcheit dem grôzen
 und an gewalt dem starken

3. *in der handschrift* gibet dise 7. von rehte] von sorge
 8. hore

künige von Tenemarken
 sante ein zamen wazzerbern. 15
 zwâr, ich wil iuch der wârheit wern:
 er was der wizen einer,
 ein grôzer, niht ein kleiner.
 dem bern dà gegeben wart
 gein Tenemarken ûf die vart 20
 ein wegewiser villân,
 von dem lande ein Norman,
 der in vüeren solde
 und sîn durch miete wolde
 schön ûf der selben verte phlegen. 25
 hin vuoren sie von Norwegen
 über den sê den starken
 und quâmen ze Tenemarken
 in des edelen küniges lant.
 dô sie von stade ûf den sant 30
 quâmen beide dirre und der,
 des bern meister und der ber,
 des bern pfleger nam den bern
 bî der lannen, hin vuort ern.
 er sûmte cleine sînen ganc, 35
 wan in der âbent des tages twanc
 daz er îlte vaste
 gein herbergen durch raste.
 er gâhte sêre durch gemach,
 unz daz er ligen vor im sach 40
 ein schœne dorf. dà hin kêrt er;
 im folgte an sîner hant der ber.
 dô er in daz dorf quam,
 dà sach er wît und wûnnesam
 in einem hove guot hûsgemach. 45
 und er den hof sô schœnen sach,
 er dâhte in sînem sinne,
 dà sæze ein ritter inne
 oder sus ein guoter hande man.
 dar kêrte der villân 50

15. einen
kerte er

26. vüren

28. zv

32. absatz.

41. schön —

mit dem bern sâzehant.
den wirt des hoves er dâ vant
gar trûric vor dem hove stân.
er was ein guot einvaltîc man,
von art ein rehter gebûr. 55
swie ofte im hart unde sûr
wart sîn lîpnar mit nôt,
er gap doch guetlich sîn brôt
ieslichem der sîn ruochte
und in mit zûhten suochte. 60
Mit dem bern der Norman
den wirt dô grûezen began.
der wirt im dankte schône;
er jach 'daz iu got lône'
und hiez in willekomen sîn. 65
er sprach 'vil lieber vriunt mîn,
durch iuwer zuht tuot mir bekant,
waz tieres vûert ir an der hant?
ist diu selbe créatiure
gehiure oder ungehiure? 70
daz eisliche kunder,
ist ez ein merwunder?
muoz ich mich vor im vûrhten iht?'
der Norman sprach 'nein, herre, niht:
ez ist ein zamer wazzerber. 75
mîn herre der künîc sant in her,
der êren rîche von Norwegen.
disem künîclichem degen
hât er in ze prêsant
her gesendet in ditz lant, 80
dem ich in vûern und bringen sol.
vil lieber wirt, nu tuot sô wol,
als iuvern tugenden sî geslaht,
und lât mich mit iu über naht
bliben under dache 85
in iuwerm hûsgemache.'

51. sautzehant 56. hart] wart 57. wart *fehlt*. 58. gabe
59. Itslichem — gervchte 65. willekvmen 68. vûret 81. vûren
84. macht 86. hvsgemach

Der guote Tene einvaltich
 sprach 'ich bin ungewaltich
 des hûses und des hoves mîn.'
 der Norman sprach 'wie mac daz sîn?' 90
 des antwurt im der wirt zehant;
 er jach 'der tiuvels vâlant
 und sîn gespenste ist zuo mir komen
 in mînen hof und hât benomen
 mir swaz ich vreuden ie gewan. 95
 mit niht ich daz ervaren kan,
 waz créatiure ez sî.
 sîn hant ist swær alsam ein blî:
 swen ez erreichet mit dem slage,
 swie grôz er sî, swie starc sîn klage, 100
 ez sleht in, daz er vellet nider.
 sîn gestalt und sîniu lider
 diu moht ich leider nie gesehen,
 wan daz ich des fürwâr muoz jehen,
 und sage ez iu ze wunder, 105
 daz ich gevriesch nie kunder
 sô starc noch sô gelenke.
 tische stüele und benke
 die sint im ringe alsam ein bal.
 ez wirfet ûf und ze tal 110
 die schüzzeln und die töpfe gar.
 ez rumpelt stæte vür sich dar.
 ovenbret und ovensteine,
 körbe kisten algemeine,
 die wirfet ez hin unde her. 115
 ez gêt ôt allez daz entwer,
 swaz ist in dem hove mîn.
 nû hân ouch ich die vreise sîn
 und sîn untât gevlogen
 und hân mich gar von im gezogen, 120
 des ich mich an iuch selben zie.
 seht, mîn gesinde und al mîn vie

91. antwort 92. der] des 93. 94. kvmen : beuvmen 97. crea-
 tîren 100. ez si 101. Er 102. Sine — sine gelider 110. er
 113. oven brete 118. 120. hab 121. 122. zich : vich

hât ez her ûz von im getriben
 und ist aleine drinne bliben.
 von im ich grôzen kumber dol. 125
 vil lieber gast, ir seht ouch wol
 daz mir hûsrât ist wilde.
 ich hân ûf diz gevilde
 vür disen hof gehüttet.
 zesteret und zerüttet 130
 ist leider al mîn hûsgemach.
 der gast gezogenlichen sprach
 'vil lieber wirt, daz ist mir leit.
 lât mich durch iuwer hövischeit
 und durch iuwer zuht hin in 135
 und lât mich hînt dar inne sîn.
 waz ob mir lîhte hilfet got,
 daz der tiuvel und sîn spot
 und sîn trucnüsse mich verbirt?'
 'turrt irz gewâgen' sprach der wirt, 140
 'ich gans iu innenclichen wol.
 ob ich die wârheit sprechen sol,
 sô dunket ez mich tumplich.'
 der Norman sprach 'nu stiuret mich
 und mînen bern mit der spîse. 145
 ich dunke iuch tump oder wîse,
 ich wâgez, swie mirz halt ergât.'
 'sît ir sîn niht welt haben rât'.
 sprach der wirt, der guote man,
 'ich teile iu mite swaz ich hân. 150
 mîn einvaltigez armuot,
 vil lieber gast, daz nemt vür guot.'
 Der wirt ez im gütlich erbôt:
 er gap im hier unde brôt,
 vleisch ruoben unde salz, 155
 er gap im eier unde smalz
 und vrischer buttern gnuoc dâ mite
 ze spîse nâch des landes site,
 und sînem bern einen wider;

124. darinne 129. vor 136. hient 140. Turret 141. gan ez vch
 148. sint 157. pvttern

SCHRETEL UND WASSERBÄR.	179
des im doch sider gnuoc wart wider.	160
der gast im seite grôzen danc,	
er nam die spîse und den tranc.	
in gotes namen dar gienc er	
hin in den hof, mit im der ber.	
Der guote man von Norwegen	165
tet vür sich den gotes segên.	
hin gienc er in ein bachhûs:	
er ahte klein ûf solchen grûs,	
als im der wirt dâ seite;	
ein fiur er bereite,	170
als im der hunger geriet:	
sîn kost er sôt unde briet.	
dô nu diu koste was bereit,	
er az und tranc und was gemeit	
und gap ouch sînem bern genuoc.	175
dar nâch diu müede in dar zuo truoc,	
daz er sich leit ûf ein banc,	
und der slâf in des betwanc.	
der ber was von dem gêne laz:	
dô er im gnuoc des widers gaz,	180
er leit sich bî daz fiur nider;	
im wâren müede sîniu lider.	
Dô nu der guote man gelac	
und slâfes nâch der müede pflac,	
und ouch der müede ber entslief,	185
hœrt wie ein schretel dort her lief;	
daz was kûm drier spannen lanc.	
gein dem fiur ez vaste spranc.	
ez was gar eislich getân	
und het ein rôtez keppel an.	190
daz ir die wârheit wizzet,	
ez het ein vleisch gespizzet	
an einen spiz îsenîn;	
den truoc ez in der hende sîn.	
daz schretel ungehiure	195

160. der im doch sôwer gnuoc wart sider 163. da 166. vor
167. bakhvs 168. svlchen 172. Sine 173. kost 182. sine
gelider 186. hœret 187. kovme 193. einem

sich satzte zuo dem fiure
 und briet sîn vleisch durch lîpnar.
 und ez des bern wart gewar,
 ez dâhte in sînem sinne
 'waz tuot ditz kunder hinne? 200
 ez ist sô griulich getân,
 und sol ez bî dir hie bestân,
 du muost sîn lîhte schaden nemen.
 nein, blîbens darf ez niht gezemen.
 ich hân die andern gar verjaget: 205
 ich bin ouch noch sô niht verzaget,
 ez muoz mir rûmen ditz gemach.'
 nîtlich ez ûf den bern sach.
 ez sach ôt dar und allez dar;
 ze lest erwac ez sich sîn gar 210
 und gap dem bern einen slac
 mit dem spizze ûf den nac.
 er rampf sich unde grein ez an.
 daz schretel spranc von im hindan,
 und briet sîn vleischel fûrbaz, 215
 unz daz ez wart von smalze naz.
 den bern ez aber einez sluoc;
 der ber im aber daz vertruoc..
 Ez briet sîn vleisch vûr sich dar,
 unz daz ez rehte wart gewar 220
 daz nu der brâte sûste
 und in der hitze brûste.
 den spiz ez mit dem brâten zôch
 vaste ûf über daz houbet hôch:
 daz böese tuster ungeslaht 225
 sluoc ûz aller sîner maht
 den müeden bern über daz mûl.
 nu was der ber doch niht sô fûl,
 er vuor ûf und lief ez an.
 daz schretel im dâ niht entran. 230
 er begreif ez mit den tatzen;
 bîzen krimmen unde kratzen

begonde er ez sô grimme,
 daz ez in grimmer stimme
 und über lût engestlichen schreê 235
 'wê herre wê! wê herre wê!'

Swie kleine im wâren sîniu lider,
 ez was doch starc, und greif hin wider
 dem müeden bern in den giel.
 ez zezerret im den triel; 240

ez beiz, ez kratzte in unde kram,
 daz er vor zorne lûte erbram;
 und schrei in grôzem grimme
 sîn an geborne stimme, 245

diu alsô grimmiclich erhal
 daz allez daz dâ von erschäl,
 daz in dem wîten hove was.
 ob ir ietwederz dâ genas,
 fürwâr daz was ein wunder.

der ber und ditz unkunder 250
 begonden grimmiclichen toben.

iezunt lac daz schretel oben,
 bî einer wîl lac ob der ber.
 sie wielkenz hin unde her.
 die zwêne kampfeverten 255
 sich beide vaste werten.

nu bîzâ bîz! nu limmâ lim!
 nu kratzâ kratz! nu krimmâ krim!
 sie bizzen unde lummen,
 sie kratzten unde krummen 260

einander alsô grimmiclich,
 daz als harte ervorhte sich
 des bern meister, daz er vlôch
 und in den bachoven krôch.

er krôch hin in und sach her vûr 265
 gar trûric ûz des ovens tür;
 er luoget ûz dem luoge,
 und sach die grôze unfuoge

234. Daz iz 237. sine gelider 240. zv zerret — griel
 233. wile 264. bakoven

diu an dem bern dâ geschach.
 daz was sîns herzen ungemach. 270
 Daz schretel mit dem bern vaht
 vil vaste hin gein mitter naht.
 zuo lest er ez doch überwant.
 ez vlôch von im und verswant.
 war ez quam, wer weiz daz? 275
 der ber was von dem strîte laz:
 er leit sich ûf den estrich wider
 und rast diu kampfmüeden lider.
 der Norman sach wol dise geschiht:
 er quam ôt ûz dem oven niht: 280
 mit vorhten er dar inne lac,
 unz daz er sach den liechten tac.
 dô alrêrst krôch er her vür
 gar ruozic ûz des ovens tür.
 dô er ûz dem oven quam, 285
 sînen bern er dô nam
 und vuort in ûz dem hove hin vür.
 der wirt des hoves stuont vor der tür;
 dem gaste er guoten morgen bôt.
 er het gehôrt wol dise nôt, 290
 diu in dem hove dâ geschach.
 der guote wirt gütlichen sprach
 'und lebt ir noch, vil guoter man?'
 'jâ. sît mir got des lebens gan,
 sô lebe ich gerne vür baz.' 295
 ze vil geredet, waz touc daz?
 mit kurzen worten überslagen,
 er dankte im grôze, hôrt ich sagen,
 und nam urloup. hin gienc er;
 mit im gienc der zekratzte ber. 300
 Der guote wirt der villân
 dô sînen pfluoc rüsten began.
 des pflac er, unde was sîn site:
 wan er betruoc sich dâ mite.
 er vuor ûf daz gevilde hin 305

270. sines 274. er 278. raste der 287. 288. vor : dem tor
 294. sint 298. groz

durch siner lîpnar gewin.
 sînen pfluoc er dâ gevienc,
 ze acker er dâ mite gienc.
 er ment sîn ohsen, hîn treip er.
 nu lief daz schretel dort her 310
 und trat ob im ûf einen stein.
 mit bluote wâren sîniu bein
 berunnen ûf und ze tal.
 sîn lîbel daz was überal
 zekratzet und zebizzen. 315
 zezerret und zerizzen
 was sîn keppel daz ez truoc.
 ez rief eislich und lûte gnuoc
 und sprach dem bûmanne zuo;
 ez rief wol drîstunt 'hœrst duz duo? 320
 hœrst duz du? hœrst duz iedoch?
 lebet dîn grôziu katze noch?'
 er luoget ûf und sach ez an.
 sus antwurt im der bûman.
 'jâ jâ, mîn grôziu katze, 325
 dir ze trutze und ze tratze
 lebt sie, du bæsez wihtel, noch.
 sam mir daz ôhsel und daz joch,
 fünf jungen sie mir hînt gewan.
 diu sint schœne und wol getân, 330
 lancesîtic wîz und hêrlich,
 der alten katzen alliu glich.'
 'fünf jungen?' sprach daz schretelîn.
 'jâ' sprach er 'ûf die triuwe mîn:
 loufe hin und schouwe sie. 335
 dun gesæh sô schœner katzen nie.
 besich doch ob ez wâr sî.'
 'pfi dich' sprach daz schretel, 'pfi!'
 sol ich sie schouwen? wê mir wart.
 nein nein, ich kum niht ûf die vart. 340

307. enpfîenc 309. mente 315. zekratzt 316. zvzerret
 317. er 318. genve 320. 321. horest 324. Sust antwort
 325. mine 331. Lantsitik 332. alle gelich 336. dvnne
 gesehe

sint ir nu sehse worden,
 sie begönden mich ermorden:
 diu eine tet mir ê sô wê.
 in dînen hof ich nimmer mê
 kume die wîle ich hân mîn leben.' 345
 diu rede quam dem bûman eben.
 Daz schretel sâ vor im verswant.
 der bûman kêrte heim zehant.
 in sînen hof zôch er sich wider,
 und was dâ mit gemache sider. 350
 er und sîn wîp und sîniu kint
 diu lebten dâ mit vreuden sint.

341. Sechs 348. karte

Aus der Heidelberger handschrift 341. bl. 371^a—372^d (z. 1—312) und 370^a (z. 313 bis zum schlusse): sie ist nämlich verbunden.

Der abdruck ändert nur soviel nöthig war um augenscheinliche fehler zu beseitigen und aus der ungenauigkeit und den späten und mundärtlichen formen des schreibers die reinere hofsprache des dreizehnten jahrhunderts herzustellen: es kennt dieser schreiber z. b. kein weibliches und neutrales iu mehr, statt dessen nur noch e; vch gilt ihm für iuch und für iu; da für do und do für da; v zugleich für kurzes u, für ü und uo; langes û ist durchweg gegen den diphthongen ov und demgemäfs der umlaut iu gegen eu vertauscht: letzteres wird dann meistens mit der abkürzung v̇, seltener mit ausgeschriebenem ev bezeichnet; endlich ûr und iur dehnen sich in zweisilbiges öwer und ewer.

Auszüge dieses gedichtes stehen bereits in der vorrede zu den irischen elfenmärchen der br. Grimm: der gewandte, frisch lebendige, durchweg wohlgemeßne vortrag (ze vil geredet, waz touc daz? 296), wenn schon der versbau nicht der beste ist, schien es auch einer vollständigen mittheilung werth zu machen. dem inhalte nach ist es ansprechend durch die zwiefache belehrung die es uns gewährt, als hauptbeleg des alten glaubens an schädliche hauskobolde und als ausgeführteres zeugnis für den ge-

brauch den alteinheimischen thierkönig zur schaustellung einzufangen und zum spiele zu zähmen. nur über letzteres noch einige worte.

Schon im neunten jahrh. zogen spielleute mit bären um: Hinkmar erzbischof von Rheims gebot den pfarrern seines sprengels nec turpia ioca cum urso vel tornatricibus ante se facere permittat (capit. ad presbyt. 14. ebenso mit beinah wörtlicher wiederholung Regino de eccl. discipl. 2, 213); auf einem basrelief am portal des großmünsters von Zürich geigt ein solcher in der mitte zweier bären, und die Vilkina-saga erzählt 120. 121 wie der held Vildifer, in eine bärenhaut eingenäht, sich von einem spielmann führen läßt und nach dessen harfenspiele tanzt. also tanz zum saitenspiel: aber singen, wie das sonst zu den beiden noch gehört, lernt der ungeschickte doch nicht: daher die sprichwörtlichen wendungen man lerte ein beren & den salter Wolfr. Tit. 87. ich wil iu sagen daz der ber nimmer wirt ein guot singer welscher gast 1, 2: dem entgegen ist an dem fries der crypta des Basler münsters ein bär abgebildet welcher geigend vor einem gekrönten löwen steht, und ein haus in Breslau hat zum heiteren zeichen einen orgelspielenden bären. und wie in unserm gedichte der bär ein königsgeschenk an einen könig ist, so auch die zum tanz und andrer kurzweil abgerichteten und gleichfalls weissen bären in Ruodlieb 3, 84 ff. 172. 207 und die lewen unde bern im Rolandsliede 14, 29; ebenda 21, 9 sieht man in dem thiergarten Karls die lewen alsö grimme mit dem beren vechten, und 110, 5 ff. kommt ein bär mit zwain cheten vor: unser dichter 34 sagt dafür mit dem üblichern ausdruck lanne: vergl. als ein ber der an einer lannen strebt üb. weib 769. den gezähmten löwen am hofe Constantins den Asprian gegen die wand zerwarf (Rother Maßm. 179^b) sah dieser ebenfalls für einen jungen bären, ein berwelf, an (181^b): mit einer noch weiter gehenden komischen abstufung nennt unser kobold den bären eine katze. dafs aber auch andre als blofs fürsten sich zur belustigung bären hielten, zeigen die rechtsvorschriften im Sachsensp. landr. 2, 62. Schwabensp. landr. 202 und Augsb. stadtr. 112; den klöstern war die unterhaltung dieser wie

anderer wilden thiere verboten: Raumers Hohenst. 6, 410. 423. Augsburg hatte vor zeiten einen berleich (Jac. Grimms Mythol. 274), Bern noch jetzt seinen bärengaben.

WILH. WACKERNAGEL.

DER TUGENDHAFTE SCHREIBER.

1.

Wie in der sprache überhaupt viele wörter erkalten, ihrer wurzel vergessen oder sie gar verleugnen, eigennamen sinnlos werden und bei manchen benennungen nicht mehr zu spüren ist aus welchen lebendigen appellativen sie einst hervorgiengen, so giebt es auch gangbare und allgemein verständlich gebliebne ausdrücke die in gewissen fällen oder für einzelne bezüge ins leere und abstracte gerathen. ich denke hier vorzugsweise an adjectiva, die von natur immer eine frische bedeutung haben, allmählich ganz titelhaft werden können, und es leuchtet ein warum in der fesselnden zusammensetzung die abstraction schneller als bei dem losen ungebundenen worte ergeht; z. b. *edler mann*, *freier herr* sind stärker als *edelmann*, *freiherr*, die bloß den stand bezeichnen, und einer der sich nicht selbst loben würde 'ich bin ein edler mann,' darf unbedenklich aussprechen 'ich bin ein edelmann.' aber auch das unzusammengesetzte adjectiv kann in den titel übergehen, und dafür sei ein beispiel aus der alten sprache entnommen.

Unter unsern minnesängern kommt bekanntlich einer vor der nicht anders als *der tugenthafte schrïber* heisst und den der Wartburger krieg MS. 2, 1^b sich selbst so benennen läßt,

her Walther lât in tálanc vrî:

ich tugenthafter schrïber trite im zuo mit sanges gir.

wäre das nicht ein von jedermann beigelegter titel gewesen, der dichter hätte sich solcher bezeichnung sicher enthalten. sie mag damals einem öffentlichen, in ehre und amt stehenden notar überhaupt gebührt haben, ohne daß sich daraus seine besondere trefflichkeit beweisen liefse. die schreibekunst stand im mittelalter an den höfen noch in großem an-